

PLÊF DI S. MARTIN VESCU
RUALP E VAL
33022 CJARGNE

La Vita Cattolica
UDIN

Objectum: de coecitate culpabili et de melitia invescrata non nullorum
presbyterorum quos sanctus inlgus habet

Riverît sâr Diretôr,

grassis cetant pe “precisazion sui scrits di Toni Beline” là ch’al à cirût di fâ capî a cualchidun che ogni scrit, scomençant de Peraule di Diu jù fint ai sgorbios dal frutìn di scuele, al va let secont il “gjenar leterari”, ven a stai bisugne cjâlâ no tant ce ch’a si dîs ma ce che si vûl dî. Ma o crôt che al seti timp pierdût.

Se un nol vûl, nol rivarà mai a capîle.

Lui mi à dit un viaç di no jessi tant saurît o sarcastic, che tancj a restin scanduliçaçs. O pensi che chel che al è libar dentri al rive a viodi lis robis libaris e chel che al è inturçât dentrivie al ingredee sù dut.

Mi displâs però che i nestrîs predis no vedin chel "humor", che baronade, che ghenghe che permet di tratâ lis robis seriis cence che la religjon a deveni un funerâl. O crôt che tancj no vegnin âtri parcè che o sin boins di preâ e di patî ma no di ridi e gjoldi cuant che al è di ridi e gjoldi. Une religjon serie no vûl dî che la int e à di jessi inrochide. E se intune funzion il predi s'inçopede e al bute ju un cjandelîr, duçj si metin a ridi, cence par chest che la funzion a deveni un manicomio.

Il plevan di Çirçuvint chest lu veve capît benon. Al è stât serio in dute la so vite di predi ma no par chel nol à fat di mancul di ridi. Invezit tancj di nô no ridìn ma no sin serios istès.

Par chel che al riguarde la Vite Catoliche mi displasarès che cualchidun al pierdès la fede o al las danât par colpe mê. Par la cuâl che nol stedi a vê fastidis par me. Ch’al publichi dute robe "serie". Jo il siôr Santul lu fasarai cognossi cun atrîts mieçs e cence comprometi la dignitât e la "linie" di un gjornâl che al vûl jessi vîf ma ancje catolic.

Mandi.

Rualp, 4 di lui 1976

pre Antoni Beline, plevan